

## JUUD Gbanƙa

<sup>1</sup> Mi Juud, ka waai ale ka Yeezu Kirisita tomteero ale Jeemsi suok la.

Mi ale a ηmarisi gbanƙa de a te ni. Ti Kowa Naawen ale lueri ni ale a yaali ni, ate Yeezu Kirisita a nya ni zuk.

<sup>2</sup> Naawen le ta jiiirim ale ni abe wa ta yaalika ale ni, abe wa basi ate ni boro ale suyogini nna yegayega.

<sup>3</sup> M dek doaba, m daam poom a yaali ayen m ηmarisi a weeni sak ni ka Naawen ale vari nama ale tama ti tuimbaata po a basi dii ale ayen ti a va wa la. Yogyogla ku a fe kama ayen m ηmarisi ni a te ni nyinbiiri ayen ni kpalim a ta siaka nalimnyiini ale wamaɗsaɗa ate Naawen a pa ηa te ni bunyi dekki la. <sup>4</sup> Ni ta siaka nalimnyiini ale ηa dii nyin la, nuruba gela baai ale kan a va Naawen la, a suk kama a jam gum ti po. Ba tagri Naawen wamaɗsaɗa de ηaai ale a sak ti Naawen wie ale a maari ti me dii la kama. Ba be zeri Yeezu Kirisita waai nyiini ale ka ti Nyono la kama me. Ba a nye nna ayen ka ba baga a tom kabonɗa tuima. Naawen wienɗa a poom weeni sak ti kama dila po, dila po ayen Naawen a jam bo ba buusa kama a nya ba kaasunƙu.

<sup>5</sup> Ni poom seba wienɗa de ka nalimnyiini. Alege mi a yaali ayen m teeri ni ka diipo ate Naawen jam yeeri Izirali demma a ta nyini Ejipiti tɗɗka po la. Wa le ga nye dila a nueri la, ku ηaanyin,

ate wa yaa ko baai ale jam kan ta siaka ale wa la. <sup>6</sup> Ni be nman a teeri Naawen sabiiloma ale jam pa ba pagrimu a chim paanueka a zeri ba boka jigini la. Naawen a yik ba kama ale wa pagrimu a bobi ba a zaani legi jigi ayen ba za dula ate da kpien dii ate wa le bo ba buusa la a jam paari ate wa bo mini ba. <sup>7</sup> Ni a teeri Sodom ale Gomora tenšana la ale ten sii me ale jam kali moata si la, ten sila meena a jam nye ase ka Naawen sabiiloma ale jam nye dii la. Si nuruma jam a tom ka kabonja tuima. Nidɔaba dek me a jam a yaali ayen ba goa ale ba nidɔa chaab. Naawen yaa jam pa ba a nyo bolim buui ale kan ta kpeglimka la po ate bu waali ba nna yegayega. Nna a sak ti kama ayen ku a fe kama ayen ti kan a tom ba le jam a tom dii la.

<sup>8</sup> Nuruma de me a jam a nya ka wie nna ase goadaasima la. Wienja de abe jam basi kama ate ba pa ba nyinšana a tom tuimbaata. Ba a nye Naawen pagrimu a la kama ale a le Naawen sabiiloma ale bo wennyamazuk la. <sup>9</sup> Naawen sabiiloma kpagi kpeeni Maakil dek an nye dila. Wa ale Sitaana ale jam nak nampaɲa ale chaab ayen ba ze ba waai le wa soa Moosis nyinɲa la, Maakil an le Sitaana, wa goanti weeni wa kama ayen, "Naawen le te fu waalika." <sup>10</sup> Alege wie nɲaai ate nuruma de ze nɲa kie la, ba a le nɲa kama. Wie nɲaai ate ba seba ayen nɲa le kaasi ba la, dunja seba gaam dila kama, wa nɲala chaab degadega le jam kaasi ba kama. <sup>11</sup> Ku le jam toa ka nna yegayega te ba. Ba tom ase ka ti kokpienka Keen la. Ligra nyin ate ba pa ba dek a te wakaasima nɲaai ate Balaam jam a tom la.

Nuru ale jam boro ate ba a wi wa ayen Koorā. Ba a nyε ase ka wa ale jam nyε dii la. Ba be ale jam tomsi wa la, Naawen jam ko ba kama. <sup>12</sup> Nuruma de ka nuru baata a bo nuruma sunsun ase ba a nin boro a de ηandiinta. Ba goanti a nya ka ba dek zuk nyiini. Ba a nyε ase ka ηmoruk viok chinma la, ηa ka nyiam. Buye po ba a nyε se ka tiib sii ale kan a ta yoana la. Ba a nyε ase ka tiib sii ate nuruma tu gebi si tεη nansana ale ge ate si kpi la. <sup>13</sup> Ba a nyε ase ka nya kpiem nyamiisa la. Ase nyamiisana puuku ale kan sugi la, ba tuimbaataηa me a nyini ka peelim ase nya puutaηa la. Ba a nyε ase ka chinmarisana ate Naawen pa si nyo legi po ate si kasim bo dula taam wuu la.

<sup>14</sup> Nuru wanyi ale jam boro ate ba a wi wa ayen Enok. Wa jam ka Adam ηaanbisana po wanyi. Wala ale jam saa Adam ηaanbisana po buyopoi. Wa jam biisi nuruma de wie dila po, dila po a weeni ayen, “Nyɔnɔwa ale wa sabiilo boanni a dan jam, <sup>15</sup> wa le bo ka nuru meena buusa. Baai meena ale a tom tuimbaata ale biisi Naawen a kaasi la, wa le waali ba kama wienja de nyin.”

<sup>16</sup> Nuruma de a kasim a ηuuni ale a fobli kama ale a tɔarin ba vaanchaab wie nyin. Ba kasim a va ka ba dek wabaata yaalika tuima nyiini ale nak kuusa ba dek nyin, ale a pak nuruba ale ba noa nyiini ayen ba va ba abe ba a te ba ligra.

<sup>17</sup> Alege m dek dɔaba, ni teeri dii ate ti Nyɔnɔwa Yeezu Kirisita tomteeroma a lin jam sak ni dila po, dila powa la, <sup>18</sup> ayen dii po ate tεηka a moata kpeglimka la, dan paari, baai ale a va ba dek tuim kaasima yaalika la, le jam a

la ni kama, ni ale a va Naawen siuku la nyinj. <sup>19</sup> Nuruma de chaab a nyɛ kama ate nuruba a waan̄ chaab. Bala chaab a va ka ba dek n̄anyaalik wie nyiini. Ba be ka Naawen Chiika ba suniima po. <sup>20</sup> Alege, m dek dɔaba, ni va Naawen nalimnyiini, ate ni siaka a pagra. Ni basi ate wa chiika a maari ni ate ni a puusi a te Naawen. <sup>21</sup> Abe ni basi ate Naawen yaalika lik ase ni ale a limsi ayen ti Nyɔnɔwa Yeezu Kirisita a va wa jirimu nyinj a te ni nyuvuri dii ale kan ta kpeglimka la.

<sup>22</sup> Ni ta jirim ale baai ale ta chichama la, <sup>23</sup> abe ni vari baai ale bo bolimu po la a basi. Ni ta jirim abe ni a chali yɔgsum ale ba gela me, alege, baai me kabɔnsa tuimaɲa ale basi ate ba gattaɲa danj la, ni kan tiri gattaɲa.

<sup>24</sup> Naawen waai ale baga a yik ni ate ni kan tagri ni popola a pai n̄aan̄ a te wa la, ale baga me a nyɛ ate ni a zaani wa zula Nyɔnɔwa nin̄ ale ge ka kaasun̄ alege ta popeantik nyiini la, <sup>25</sup> Naawen waai ale ka wa dek wa nyiini, a chim ti Varibasido Yeezu Kirisita ti Nyɔnɔwa yonni nyinj la, ta ka zula ale pagrim yegayega a gaam jaab buuri meena a ta nyini ku piilimka po a jam paari jinla ale ta dila taam wuu. Ku be nyɛ dila.

**The New Testament in the Buli language  
(Ghana)**

**Buli: The New Testament in the Buli language  
(Ghana) (New Testament)**

copyright © 2003 Wycliffe Bible Translators, Inc.

Language: Buli (Ghana)

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 13 Jul 2024 from source files  
dated 29 Jan 2022

24aad1ee-9f16-5a40-b094-5b16e513253a